

ZAPISNIK
O RADU 13. RADNE SJEDNICE SKUPŠTINE KANTONA SARAJEVO ODRŽANE
29/30.12.2023.GODINE SA POČETKOM RADA U 08,30 SATI

Dvanaestu radnu sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici je prilikom otvaranja prisustvovalo 30 zastupnica i zastupnika, a u daljnjem toku se priključili i ostali zastupnici, kako slijedi:

SDA - STRANKA DEMOKRATSKE AKCIJE

1. Dević Mahir
2. Kalem Adi
3. Kapidžić Faruk
4. Selmanović Faruk
5. Viteškić Smiljana
6. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Memić Arijana
5. Okerić Elvedin
6. Pobrić Rusmir
7. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina
6. Vikić Musić Vedrana

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Bandić Muamer
2. Gavrankapetanović-Smailbegović Fatima

3. Šaljić Jasmin

DEMOKRATSKA FRONTA

1. Hašimbegović Marijela
2. Pilav Ilijaz
3. Vujović Vedrana
4. Zuhrić Albin

POLITIČKA ORGANIZACIJA/INICIJATIVA “ZA NOVE GENERACIJE”

1. Marjanović Damir

SAMOSTALNI ZASTUPNICI

1. Gaković Elza
2. Hodžić Admela
3. Lemezian Redžo

Izostanak sa sjednice nije pravdao niko od zastupnika, dok su kašnjenje najavili zastupnica Admela Hodžić i zastupnik Ilijaz Pilav. Sjednici nije prisustvovala zastupnica Sebija Izetbegović.

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutne u sali, kao i predstavnicima medija koji prate rad sjednice.

Prije prelaska na utvrđivanje Dnevnog reda predsjedavajući je upoznao prisutne da je na osnovu Odluke Centralne izborne komisije BiH, broj: broj: 06-1-07-1-595/23 od 30.11.2023.godine, Vedrani Vikić Musić, sljedećoj kvalificiranoj kandidatkinji sa liste političkog subjekta SDP – Socijaldemokratska partija Bosne i Hercegovine za Opće izbore 2022.godine, dodijeljen mandat zastupnika u Skupštini Kantona Sarajevo.

Stoga je predsjedavajući, u skladu sa članom 8. Poslovnika Skupštine Kantona Sarajevo, pozvao zastupnicu Vedranu Vikić Musić da pristupi davanju svečane izjave. Nakon položene svečane izjave, predsjedavajući je novoizabranoj zastupnici uputio čestitke u ime Skupštine i u svoje lično ime.

U radnom dijelu sjednice, predsjedavajući je istakao da je Prijedlog dnevnog reda 13. Radne sjednice Skupštine Kantona Sarajevo utvrdio Kolegij Skupštine na svojoj sjednici održanoj dana 14.12.2023.godine, a isti je dopunio na svojoj sjednici održanoj dana 22.12.2023. godine.

Potom je dao Dnevni red za 13. Radnu sjednicu Skupštine Kantona Sarajevo na izjašnjavaње i isti je usvojen većinom glasova (28 „za“, niko „protiv“ i 1 glas „suzdržan“), kako slijedi:

1. Poslanička/zastupnička pitanja inicijative i odgovori;

2. Prijedlog Programa rada Skupštine Kantona Sarajevo za 2024. godinu;
3. Prijedlog Zakona o izmjenama i dopunama Zakona o dopunskim pravima boraca-branitelja Bosne i Hercegovine-skraćeni postupak;
4. Prijedlog Odluke kojom se Ministarstvu za boračka pitanja Kantona Sarajevo daje saglasnost da može pristupiti potpisivanju ugovora imovinsko-pravne prirode, i to: Ugovor o udruživanju sredstava za kupovinu stanova za dodjelu u vlasništvo pripadnicima branilačkih populacija između „Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilisane borce i prognane osobe“ kao Prodavca/investitora i Ministarstva za boračka pitanja Kantona Sarajevo, kao Kupca/udružioca sredstava, kojim se udružuju sredstva za kupovinu 16 stambenih jedinica, koje će biti izgrađene na području općine Ilijaš, lokacija Centar-Ilijaš, objekat Centar, za dodjelu u vlasništvo pripadnicima branilačkih kategorija, koji na istu imaju pravo shodno važećim propisima;
5. Prijedlog Budžeta Kantona Sarajevo za 2024. godinu;
6. Prijedlog Zakona o izvršavanju Budžeta Kantona Sarajevo za 2024. godinu;
7. Prijedlog Zakona o Registru finansijskih obaveza u Kantonu Sarajevo;
8. Prijedlog Odluke o davanju saglasnosti na Finansijski plan Zavoda zdravstvenog osiguranja Kantona Sarajevo za 2024. godinu i Odluku o izvršavanju Finansijskog plana Zavoda zdravstvenog osiguranja Kantona Sarajevo za 2024. godinu;
9. Prijedlog Odluke o davanju saglasnosti na Program rada Zavoda zdravstvenog osiguranja Kantona Sarajevo za 2024. godinu;
10. Prijedlog Odluke o davanju saglasnosti na Pravila Javne ustanove „Memorijalni centar Sarajevo“;
11. Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke (EIB) za realizaciju projekta „Gradski prijevoz Sarajevo-dodatna sredstva“;
12. Prijedlog Odluke o davanju saglasnosti na Finansijski plan Javne ustanove „Služba za zapošljavanje Kantona Sarajevo“ Sarajevo za 2024. godinu sa Odlukom o izvršenju Finansijskog plana Javne ustanove „Služba za zapošljavanje Kantona Sarajevo“ Sarajevo za 2024. godinu;
13. Prijedlog Odluke o davanju saglasnosti na Nacrt Ugovora o zakupu koji se zaključuje između Turističke zajednice Kantona Sarajevo i Općine Centar Sarajevo;
14. Prijedlog Odluke o davanju saglasnosti na provođenje statusne promjene u okviru Univerziteta u Sarajevu u skladu sa Elaboratom o opravdanosti odvajanja Univerziteta u Sarajevu – Stomatološkog fakulteta sa stomatološkim kliničkim centrom na dvije članice: Univerzitet u Sarajevu – Stomatološki fakultet i Univerzitet u Sarajevu - Stomatološki klinički centar;
15. Prijedlog Odluke o davanju saglasnosti na Godišnji plan i program rada Javne ustanove Institut za razvoj preduniverzitetskog obrazovanja Kantona Sarajevo sa finansijskim planom za 2024. godinu;
16. Prijedlog Odluke o usvajanju „Bilansa energetske potrebe Kantona Sarajevo za 2023. godinu“;
17. Izvještaj o radu Univerziteta u Sarajevu za 2022. godinu sa Programom rada za 2023. godinu (sa Izvještajem o finansijskom poslovanju Univerziteta u Sarajevu za 2022. godinu i Izvještajem o radu i finansijskim izvještajem članica Univerziteta u Sarajevu za 2022. godinu);
18. Izvještaj o snabdjevenosti Kantona Sarajevo lijekovima i sanitetskim materijalom u 2022. godini sa osvrtom na implementaciju Liste lijekova koji se propisuju i izdaju na teret

sredstava obaveznog zdravstvenog osiguranja kroz funkcionisanje Mreže farmaceutske djelatnosti-apoteka, sa prijedlogom mjera i aktivnosti;

19. Izvještaj o implementaciji Odluke o proširenom obimu prava za korištenje medicinskih sredstava i lijekova za RVI sa područja Kantona Sarajevo za 2022. godinu;
20. Izvještaj o izvršenju sankcija u Kantonu Sarajevo za 2022. godinu;
21. Informacija o finansijskom poslovanju javnih ustanova iz oblasti predškolskog, osnovnog i srednjeg obrazovanja za 2022. godinu (zbirno).

Poslovničku intervenciju na dnevni red imao je zastupnik Muamer Bandić, predlažući ministru za boračka pitanja da povuče treću tačku dnevnog reda zbog manjkavosti u predloženim izmjenama i dopunama. Predsjedavajući Okerić mu je pojasnio da to može učiniti kada dođe na red navedena tačka dnevnog reda.

Predsjedavajući je konstatovao da su zastupnici uz poziv za sjednicu dobili sljedeći informativni materijal:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za period januar-septembar 2023. godine;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec septembar 2023. godine;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec oktobar 2023. godine;
- Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar-mart 2023. godine
- Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01.april-30. juni 2023. godine

Prije prelaska na realizaciju dnevnog reda, predsjedavajući je pozvao zastupnike da razmatraju Zapisnik sa stenogramom sa 12. Radne sjednice Skupštine Kantona Sarajevo.

Obzirom da nije bilo primjedbi na isti, pozvao je zastupnice i zastupnike da se izjasne o istom.

Na osnovu rezultata glasanja, predsjedavajući je konstatovao da je Skupština jednoglasno potvrdila Zapisnik sa 12. Radne sjednice Skupštine Kantona Sarajevo održane 24.11.2023.godine s 24 glasa „za“.

TOK SJEDNICE

Realizacija prve tačke dnevnog reda je počela u 09 sati i 25 minute.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Zastupnica Fatima Gavrankapetanović-Smailbegović je podnijela sljedeće (citiramo): „Imam jednu inicijativu. Ovim putem upućujem inicijativu ministru zdravstva dr Enisu Hasanoviću za nabavku lokomata za jednu od javnih zdravstvenih ustanova u Kantonu Sarajevo. Lakomat predstavlja robotsku rehabilitaciju gornjih i donjih ekstremiteta sa ciljem oporavka izgubljene motorike. Namijenjen je djeci sa poteškoćama u razvoju i odraslim pacijentima sa neurološkim i ortopedskim oštećenjima i oboljenjima. Trenutno u Federaciji Bosne i Hercegovine

nemamo niti jedan lokomat, te smo prinuđeni pacijente kojima je to neophodno za oporavak slati u Banja luku koja ima dva lokomata ili u Beograd i Zagreb. Shodno tome, ispred Kluba stranke za Bosnu i Hercegovinu uložili smo amandman da bi se obezbijedila kupovina ovog aparata koji je neophodan za naše pacijente. Također, imam dva zastupnička pitanja. Prvo pitanje je, također, za ministra zdravstva. Zašto lijek Metotrexat nije na Esencijalnoj listi lijekova za pacijente oboljele od reumatoidnog artritisa i zašto je Supkutan i Metotreksat dostupan samo pacijentima oboljelih od reumatoidnog artritisa koji su na biološkoj terapiji, a ostalima nije? Na ovaj način pravi se diskriminacija između pacijenata. Nadam se da će ovaj lijek za oboljele od reumatoidnog artritisa ubrzo se naći na Esencijalnoj listi lijekova. Molim usmeni odgovor. Imam još jedno pitanje, a postavljam ga opet, također, ministru zdravstva dr Enisu Hasanoviću i ministrici za rad i socijalnu politiku Endi Pavić Pečenović. Šta je do sada poduzeto na edukaciji formalnih i neformalnih njegovatelja, osoba koje žive sa demencijom kako bi se porodicama pomoglo da dođu do njegovatelja koji može odgovoriti potrebama demencijom pogođenih osoba? Šta je urađeno o podizanju javne svijesti ovom javnom zdravstvenom izazovu? Demencija je stanje koje ima posljedicu ne samo za oboljelu osobu, već i za njegu kompletnu okolinu, budući da dementna osoba postaje sve više ovisna o tuđoj pomoći. Također, molim usmeni odgovor i zahvaljujem se.“

Predsjedavanje sjednicom nakratko je preuzeo dopredsjedavajući Vibor Handžić.

Zastupnik Mahir Dević je podnio sljedeće (citiramo): „Za današnju sjednicu imam dvije inicijative i jedno pitanje. Prvo pitanje je, usmeni odgovor tražim od ministra prostornog uređenja da mi odgovori tačno kada će pred Skupštinu doći Prostorni plan Kantona Sarajevo i Urbanistički plan Kantona Sarajevo? U kojoj fazi su ti dokumenti, vrlo su važni kada ćemo imati priliku da o njima konačno raspravljamo? Dvije Inicijative. Prva inicijativa prema ministru privrede i Kantona Sarajevo gospodinu Mijatoviću. Volio bi da zabilježi, vrlo je važna. O ovome sam govorio i na sjednici Kolegija i na neki način imali smo saglasnost na Kolegiju da se to iskomunicira sa vama, evo i s premijerom da se vidi da se nešto riješi. Znači, predmet je Inicijativa za izmjenu Uredbe o općim uslovima za snabdijevanje vodom, odvođenje otpadnih i atmosferskih voda. U član 23. stav naveden Uredbe o uslovima za snabdijevanje vodom za piće, odvođenje otpadnih i atmosferskih voda, "Službene novine Kantona Sarajevo" broj 20 16, glasi: "Davalac usluge ne smije izvršiti priključenje na vodovodni sistem objekta koji je izgrađen bez odobrenja za građenje". Predlažemo da se u članu 23. navedene Uredbe izvrše dopune na sljedeći način: "Iza stava 2 ovog člana da se dodaju stavovi 3, 4, 5, 6, a postojeći stav 3 da postane stav 7 i da glasi: izuzetno od stava 2) ovog člana, davalac usluge može izvršiti privremeno priključenje na vodovodni sistem objekata izgrađenih bez odobrenja za građenje, uz uvjerenje izdato od strane organa uprave nadležnog za izdavanje odobrenja za građenje, o činjenicama u kojima organ vodi službenu evidenciju ili nakon provedenog postupka u sljedećim slučajevima: ako se izgrađeni objekat nalazi na područje gdje nisu doneseni planski dokumenti, i pod b) ako je izgrađeni objekat u postupku legalizacije. Privremeno priključenje iz stava ovog člana se vrši po istoj proceduri koja se provodi za postupak trajnog priključenja. Privremeno priključenje na osnovu prethodnog traje do ispunjenja uslova za trajno priključenje. I stav 6) izuzetno stava 5) ovog člana privremeno priključenje može biti obustavljeno i na zahtjev organa uprave nadležnog za izdavanje akta iz oblasti građenja, bez prava na naknadu štete i povratka jednokratne naknade za priključenje". Obrazloženje inicijative: zbog značajnog broja građana u Kantonu Sarajevo, koji nisu u mogućnosti ostvariti pravo na priključenje na vodovodni sistem zbog važeće zakonske regulative, upućujemo inicijativu da se razmotri mogućnost izmjene navedene Uredbe na gore predloženi način. Na taj način bi se uvela kategorija privremenog priključka, kako je to definisano članom 78. Zakona o električnoj energiji u Federaciji Bosne i Hercegovine. Znači, pitanje struje i problema oko struje je riješeno, predlažemo da ovo prepisete na isti način. Ovu inicijativu će, naravno, dostaviti ministru, ovaj i vama putem e-maila. Druga inicijativa koju pokrećem već ponovo po već ne znam koji put treći, četvrti, peti, pokrećem inicijativu da Skupština Kantona

Sarajevo donese propis na osnovu kojeg će biti moguće izvršiti legalizaciju bespravno izgrađenih objekata u Kantonu Sarajevo. Ovo nam obećavate da ćete staviti na dnevni red još kada je premijer bio Edin Forto, od tad se pravi taj zakon, novi o Prostornom uređenju. Znači, pokrećem inicijativu da konačno ovaj Zakon uđe u skupštinsku proceduru. Ukoliko se to ne desi u narednih nekoliko mjeseci u razumnom roku, ja ću tražiti kao zastupnik izmjenu ovog člana koji će omogućiti ovu legalizaciju bespravno izgrađenih objekata.”

Zastupnik Damir Marjanović je podnio sljedeće (citiramo): „Imam dva pitanja, jedno je poprilično jednostavno, zamolit ću premijera, samo da, nije ni pitanje nego više molba, može se desilo u međuvremenu, čini se da ste trebali da se sastanete sa stanarima koji stanuju blizu Kvadranta, pijace Kvadrant koji su imali štete na zgradama. Vjerujem da ste bili prezauzeti. Ako se desilo u međuvremenu, hvala vam, ako nije, molim vas da primite te ljude, vlasnike stanova koji su pretrpili štetu u onome požaru. Sigurno ćete pronaći načine i vremena i mogućnosti da im se pomogne u toj cijeloj priči. Pričali smo o tome prošli put, pa ne bi sada išao u neke velike detalje. Sada najavljujem jedan set pitanja, ustvari jedno kompleksnije pitanje i najavljujem kolegama, izvinjavam se unaprijed što ću u narednim sjednicama postavljati slična pitanja često i radi se o jednoj klasičnoj diskriminaciji jedne profesije, radi se o diplomiranim biologima i radi se o njihovom upošljavanju u zdravstvenim institucijama. Mislili smo i nadali sam se nekom proteklom periodu da će to biti rješavano institucionalno, na neki logičniji, normalniji način, no, međutim, to se, nažalost, ne dešava, pa i ovu sjednicu i sljedeću sjednicu, pa sve do one sjednice, dok kada ne riješimo taj problem, ja ću koristiti svoju priliku da postavljam ta pitanja, nećete mi zamjeriti. Imam puno pravo, ne samo kao biolog nego kao profesor mnogih tih studenata, ali profesor i onih ljudi koji možda sada dobivaju neku korist od toga što su diplomirani biolozi diskriminirani. Pa za početak postavljam pitanje Ministarstvu zdravstva normalno, neka to bude posredno, ne direktno ministru za sada, nego direktoru Doma zdravlja. Zašto se biologima u Domu zdravlja sistemski degradira radno mjesto sa opisom poslova, pravima i obavezama, te da li će rukovodstvo Doma zdravlja Kantona Sarajevo ostati pri izmjeni sistematizacije za radno mjesto zdravstveni saradnik koji degradira biologe ili će usvojiti primjedbe i vratiti opis i naziv radnoga mjesta kao što je bio u prethodnom periodu? Drugo pitanje, kako rukovodstvo Doma zdravlja misli riješiti navedeni problem biologa koji su dali izuzetan doprinos prilikom rada u pandemiji, skupa sa svojim kolegama drugih specijalnosti, farmaceutima koji su razlika kao biohemičari, te su dali veliki doprinos u borbi protiv covida, te nikada nisu bili predmet nikakve žalbe pacijenata, šefova i same inspekcije? Također, zašto je inspekcija naložila da se biologima promijeni radno mjesto, iako je naziv biohemičar direktno vezan za biologe po klasifikaciji zanimanja? Normalno, uz ova pitanja idu određena pojašnjenja i određeni fakti i činjenice. Bit će jako drago da oni koji mi budu odgovarali na ta pitanja me i kontaktiraju, pa ću vrlo rado u sastanku sa njima pojasniti mnoge stvari, kako su nastale određene izmjene zakona na federalnom nivou, kakvi su se lobiji pravili, gdje sve biolozi rade i kako je zanimljivo da sada neke od profesija koje Univerzitet u Sarajevu tako možda pomalo i gurnuo naprijed zauzimaju posao biologa, iako su govoreći o tome da su biolozi nekompetentni, iako su im profesori na njihovim univerzitetima, doktori, doktori bioloških nauka. I dozvolite mi, znam da malo ću, neću prekoračiti vrijeme, nego još jedno pitanje dodatno, ide prema Univerzitetu u Sarajevu. Tražit ću od njih očitovanje o Programu studijskom biologa, posebno za Odsjek biokemiju, da li je kao takav kompetentan i da li je dostatan da biolozi i oni budući koji bi trebali da pravo pronađu svoj posao, pronađu posao upravo u zdravstvenim institucijama?“

Zastupnica Vedrana Vujović je podnijela sljedeće (citiramo): „Ja imam dva pitanja i jednu inicijativu. Upućujem inicijativu za dostavu informacije prema Ministarstvu za odgoj i obrazovanje. Informacija se tiče oblasti inkluzije stručnije supervizije, a treba sadržavati po kojem aktu je definisana stručna supervizija, ko su nosioci stručne supervizije za mobilne timove i po kojem osnovu, odnosno kriterijima su izabrani? Koliko je osoba iz područja specijalne edukacije i

rehabilitacije uključeno u užu superviziju? Koliko se izdvaja novca iz budžeta Kantona Sarajevo za superviziju stručnih mobilnih timova i koji su dosadašnji realizovani ciljevi i očekivanja i programi Ministarstva za narednu godinu? Moje zastupničko pitanje jedno je upućeno i ministru saobraćaja gospodinu Šteti. Imajući u vidu da je nakon rekonstrukcije dijela tramvajske pruge u septembru ove godine ponovo pušten tramvaj na relaciji Ilidža-Bašćaršija, uočen je znatno manji broj tramvaja na šinama, te se ne isti čeka duže od 15 minuta, a pogotovo u jutarnjoj i poslijepodnevnoj špici. Moje, s tim u vezi, moje pitanje glasi kako su rashodovani i gdje su deponovani stari tramvaji, tramvaji koji više ne voze na relaciji Ilidža-Bašćaršija? I drugo pitanje je namijenjeno za ministra komunalne privrede i infrastrukture, prostornog uređenja, građenje i zaštite okoliša. Zašto su se pravili kriteriji bodovali aplikanti prilikom prijave na Program subvencioniranja mladih pri rješavanju stambenog pitanja, ako ćete podijeliti novac linearno u iznosu od 4800 maraka za sve one koji su ispunili kriterije, čime nećete ispuniti obećanje dato iz vašeg Ministarstva da se neće ići ispod dostignutih dosadašnji standarda, a kasnije ste to obećali u javnom pozivu, a to je da će sredstva biti dodijeljena kandidatima po redoslijedu sa konačne liste prvenstva kandidata u iznosu do 12 000 maraka, a u zavisnosti od raspoloživih sredstava u Budžetu Kantona Sarajevo? Na oba ova pitanja tražim usmeni odgovor“.

Zastupnica Danijela Kristić je podnijela sljedeće (citiramo): „Ja ću danas ima dvije inicijative. Prva inicijativa ide prema Ministarstvu zdravstva Kantona Sarajevo i Zavodu zdravstvenog osiguranja Kantona Sarajevo. Podnosim inicijativu da se izvrši izmjena Uredbe o obimu, uslovima i načinu ostvarivanja prava osiguranih lica Kantona Sarajevo na medicinska sredstva i da se kroz tu izmjenu omogući refundacija nabavke i komunikatora za neverbalnu djecu. Obrazloženje: komunikator za neverbalnu djecu služi da dijete osoba može komunicirati sa okolinom, primjenjuje se uglavnom nakon šeste godine djeteta, ponekad i prije, zavisi od kompleksnosti teškoće. Komunikator spadaju u asistivne tehnologije i ortopedska pomagala, zavisno od zemlje do zemlje. Dijete, osoba se obuci kako ga koristi, vrlo je jednostavan i praktičan, primjeren je za sve dobi, iznimno ublažava frustracije i agresivnost kod djeci, jako olakšava svakodnevicu, kako samog korisnika, tako i okoline. Sistemskim rješenjem roditelja, roditeljima ove djece barem se malo olakšava svakodnevna borba. I druga inicijativa ide za Ministarstvo obrazovanja i nauku i mlade Kantona Sarajevo. Ovim putem podnosim inicijativu za sanaciju, obnovu i adaptaciju predškolskog odjela More nade koji je otvoren u sklopu javne ustanove Centar za odgoj, obrazovanje i rehabilitaciju Vladimir Nator. Obrazloženje: prostorije u navedenoj predškolskoj ustanovi su u jako lošem stanju, obzirom da je problem starih i dotrajalih instalacija i opreme u prostorijama škole prisutan veći duži period. Nadam se da će Ministarstvo za obrazovanje, nauku i mlade Kantona Sarajevo pristupiti rješavanju ovog problema jer će se obnovom prostorija poboljšati higijenski uslovi u ovom objektu u kojem djeca provode većinu svog vremena.“

Zastupnica Elza Gaković je podnijela sljedeće (citiramo): „Ja ću za današnju sjednicu imati dvije inicijative, a obje se odnose prema Ministarstvu komunalne privrede i infrastrukture i prostornog uređenja građenja i zaštite Kantona Sarajevo i bit ću vrlo kratka. Svoja obrazloženja poslat ću pisanoj formi. Prva inicijativa, iniciram nabavku i instalaciju tehnološke adekvatnog pročištača, procijednih voda iz trupa regionalnog centra upravljanja otpadom Smiljevići. I moja druga inicijativa glasi obzirom na nepostojanje kanalizacionog sistema oborinske i fekalne i distributivne mreže u naseljima Dobroševići, Reljevo i Zabrdje, a prema regulacionim planovima ovih mjesnih zajednica, jedno od ranije ponuđenih ekoloških i ekonomski prihvatljivih rješenja je rješenje prečištača Priboj. Iniciram izradu glavnog projekta kanalizacionog sistema prema ovom idejnom rješenju, tj prema rješenju prečištača Priboj.“

Zastupnik Faruk Selmanović je podnio sljedeće (citiramo): „Ja imam jednu inicijativu, a cijeneći naš razgovor na Kolegiju prije početka same sjednice, pokrećem inicijativu prema

Ministarstvu za odgoj i obrazovanje Kantona Sarajevo da nam se dostavi informacija o realizaciji posebnog programa Vlade Kantona Sarajevo za unapređenje inkluzije u Kantonu Sarajevo sa informacijom o stanju i radu pet centara koji se bave odgojem i obrazovanjem djece sa poteškoćama u razvoju Kantona Sarajevo. Razlog za pokretanje inicijative jeste veliko interesovanje javnosti i postojanje raznih informacija i špekulacija o tome šta se dešava sa samim centrima, a cijeneći da je Vlada Kantona Sarajevo 15. 2. 2022 godine održala tematsku sjednicu u inkluziji i u Kantonu Sarajevo, za djecu sa poteškoćama u razvoju i usvojila zaključak na osnovu kojeg je Vlada Kantona Sarajevo donijela poseban program Vlade Kantona Sarajevo za unapređenje inkluzije. Također da je u ovoj godini predviđeno i donošenje Zakona o odgoju i obrazovanju u osnovnim i srednjim školama Kantona Sarajevo, Zakon o predškolskom odgoju i obrazovanju Kantona Sarajevo i Zakon o dualnom obrazovanju Kantona Sarajevo, pa prije donošenja ovih zakona bilo bi nam jako korisno da imamo informacije o stanju ovog programa, odnosno o procentu realizacije analiza rada pet centara. Zahvaljujem se. Imam također, još jedno pitanje, opet za Ministarstvo odgoja i obrazovanja Kantona Sarajevo, pa ako može usmeno, došlo je do informacije da osnovne škole na području Opštine Ilidža nisu radile otkup udžbenika, to jeste da djeca, posebno u prvom razredu, koriste stare udžbenike koji su već popunjeni. Pa da li je ova informacija tačna i ako je tačno, zbog čega je došlo do iste? Molim samo usmeni odgovor”.

Zastupnica Marijela Hašimbegović je podnijela sljedeće (citiramo): „Za ovu sjednicu pripremila sam tri inicijative. Prva je upućena Ministarstvu privrede i Javnoj ustanovi Centar za napredne tehnologije. Ovo je bio ujedno i jedan od naših amandmana koje je Vlada odbila. Vidjet ćemo kako će se Skupština referisati u odnosu na ovo pitanje, ali ja vjerujem u kvalitetne ideje i s tim u vezi pokrećem inicijativu da se Javna ustanova Centar za napredne tehnologije, pored svoje djelatnosti koja se odnosi za odbrambene djelatnosti, da svoje aktivnosti usmjeri i prema civilnom sektoru koje se definitivno mogu iskoristiti u dijelu njihove kapacitiranosti, u inovatorskim poslovima koji mogu biti usmjereni prema aktivnostima koje se odnose na potrebe javnih preduzeća, za opšte dobro, za pitanja koja se tiču poboljšanja kvaliteta zraka. Dakle, imamo instituciju koja je javna ustanova, koja ima izvanredno kapacitirano osoblje koje može odgovoriti na razne zahtjeve i pitanja koja su aktualna i prioritetna u Kantonu Sarajevo i ne znam zašto zatvarati oči pred njima. Druga inicijativa je upućena Ministarstvu saobraćaja da mi se dostavi kompletna informacija koja se odnosi na kreditno zaduženje koje sam uspjela sabrati, koje iznosi 176,2 miliona EUR. Sa ciljem da mi se predstavi i prezentira kompletna informacija obzirom da u dokumentu Prijedloga budžeta za 2024. godinu prezentirana je samo stavka u iznosu i za projekte za koje su određena, međutim, izostale su informacije koje su jako važne, a one se odnose na rokove otplate, na grejs period, kolike su kamatne stope. Dakle, inzistiram da se dostave ove neophodne informacije kako bi dobili kompletnu sliku o zaduženosti Kantona Sarajevo po ovom pitanju. Treća inicijativa upućena je Ministarstvu odgoja i osobnog obrazovanja, kao i Kantonalnoj upravi za inspeksijske poslove gdje tražim da se napravi revizija inspeksijskog nalaza za slučaj nastavnice Suade Karić. Inspeksijski nalaz se radio tada za suspenziju u školi od profesorice od direktorice Seade Velegić, sada je ova nastavnica već u statusu otkaza, njoj je uručeno rješenje o prekidu radnog odnosa i uvidom u inspeksijski nalaz vidjela sam da su napravljene određene nepravilnosti zato što su dokumenti koji su prezentirani nisu nije uvid izvršeni u vremenskim rokovima kada su isti prezentirani, što znači da se najvjerojatnije sa namjerom učinila nepravda našoj uvaženoj nastavnici kojoj je oduzeto njeno dostojanstvo, sada već i egzistencija. Ona je ostala potpuno nezaštićena od direktorice i ja očekujem da će ova revizija ovog inspeksijskog nalaza ipak rasvijetliti ovaj slučaj u pozitivnom svjetlu i omogućiti da se profesorice koja je radila 30 godina u ovoj školi, da će se ipak vratiti da obavlja svoje poslove. Hvala lijepa“.

Zastupnica Mimirka Melank je podnijela sljedeće (citiramo): „Razgovori o načinu rješavanja statusa Centra kulturnih aktivnosti Čarlama u toku su već skoro godinu dana, a ako ne i

više. Problem je postojao već neko vrijeme. Jedan od modusa, a koji ja sada iniciram i predlažem je da se CK Čarlama priključi galeriji Collegium Artisticum kao poseban depadans. Bitno je ne samo da se sačuva ta kolekcija, već i da se sačuva genijus loci. Galerija savremene umjetnosti CK Čarlama izložbeni je prostor koji je 2010. pokrenula grupa sarajevskih umjetnika i javnih radnika na čelu sa Jusufom Hadžifejzovićem i Sašom Bukvićem, čuvenim konceptualnim umjetnicima. U Čarlami se zadnjih godina urijetko, održavali su se performansi, a sama galerija praktično ne funkcioniše u punom kapacitetu već par godina. U njenoj stalnoj postavci nalaze se djela Donate Venders, Vlade Marteka, Neše Paripović, Raše Todosijevića, Gordane Anđelić Galić, Danice Dakić, Maje Bajević, Alme Suljević, Damira Nikšića, brojnih drugih umjetnika svih generacija s raznih strana svijeta. Projekat je nastao u jednom dijelu Skenderije u kojem su davnih '80-tih održana Jugoslavenska dokumenta, najznačajnija i najveća izložba moderne savremene umjetnosti bivše domovine na tlu BiH, čija je također jedan od pokretača bio i Jusuf Hadžifejzović o EU dokumentima. Jučer, prekjučer je prikazan odličan dokumentarni film Jasmina Durakovića i još jednog važnog aktera u priči o Čarlami. Ja vjerujem da Kanton Sarajevo nikad neće biti uključen u gašenje bilo kakvog značajnog kulturno umjetničkog projekta, da nema razloga za brigu i da ćemo učiniti sve da ovaj projekat od historijskog značaja ostane tamo gdje bi trebao i ostati. Druga stvar, odnosno inicijativa koju želim u dogovoru s mladim kolegom Timurom Vilićem predložiti je inicijativa Ministarstvo za nauku, visoko obrazovanje i mlade da se osnuje fond za stipendije ili da se na neki drugi način napravi poticaj za mlade, izuzetne talente iz oblasti umjetnosti i nauke da nakon završetka visokog obrazovanja u trajanju do jedne godine budu potpomognuti za slobodan i samostalan rad. Potrebno je podsticati mlade na istraživački rad, i to tako da svojim projektima oni unaprijede oblasti u kojima su već tokom studija pokazali zavidne, zavidna dostignuća i ambicije. Stipendistima ili korisnicima eventualnog programa bi se pružila mogućnost da unaprijede svoj umjetnički naučni rad, da eksperimentišu slobodno na projektima, saradujući, bez obaveza, sa institucijama i organizacijama za polje djelovanja, te da steknu iskustva, razviju kontakte sa stručnjacima u skladu sa novim tendencijama u nauci i umjetnosti u svijetu“.

Zastupnica Belma Kapo je podnijela sljedeće (citiramo): „Ja imam dva pitanja. Jedno pitanje se odnosi na Ministarstvo zdravstva i premijera Kantona Sarajevo jer nisam sigurna ko je tačno nadležan. Ukoliko je moguće usmeni odgovor, ako ne, zadovoljna sam i u pisanoj formi. Ako nemaju podatak. Zanima me ko je u Kantonu Sarajevo odgovoran i da li je dao dozvole za ekspoziure velikih kliničkih centara u Sarajevu koji se otvaraju u vidu kancelarija nekih stranih bolnica? Da li ljekari koji tu rade dobivaju licencu, da li zatraže licencu od nadležnih komora i na koji način je uopće regulisana ta oblast, jer sve češće imamo male kancelarije velikih klinika. Drugo pitanje je za ministra prostornog uređenja ili, evo, premijera, ne znam ko ima odgovor pošto vrlo često općine dolazi do prepiske između Kantona i Zavoda za izgradnju Kantona Sarajevo i opština, ko je u Kantonu Sarajevo, jednom da znamo, nadležan za sanaciju klizišta? Ko je nadležan za projekat, ko je nadležan da izdvoji sredstva? Ako opštine izdvoje sredstva dolazi do neke komunikacije, neke prepske komunikacijskih problema sa zavodom za planiranje, izgradnju, prebacivanja da kažemo loptice s jednih na drugih, a građani time trpe. Evo primjer je Opština Centar, npr. Soukbunar koji ne može da se riješi tako da me zanima ko je zaista pravno formalno odgovoran za sanaciju klizišta u našem Kantonu?“

Zastupnik Adi Kalem je podnio sljedeće (citiramo): „Prije nego što postavim svoje poslaničko pitanje evo, imam potrebu da se zahvalim kolegici Melank, kao i najkompetentnijoj osobi u ovoj sali za savremenu umjetnost na inicijativi koju je maloprije pročitala, a vezana je za spajanje Čarlame i Collegium Artisticuma. Drago mi je da sam dio saziva koji će riješiti to važno pitanje i evo, jučer smo mogli saznati iz medija da je ministar Magoda i spreman da u tom smislu učestvuje u tom procesu. Moje pitanje je, također, vezano za kulturno- historijsko naslijeđe i postavljam ga kao neko ko predsjedava Komisijom za zaštitu kulturno-istorijskog naslijeđa, a u

vezi je sa Historijskim arhivom Sarajevo. Oni koji su se udubili u materijal i u amandmane koje smo dobili, a pitam, u pitanju su amandmani na Prijedlog budžeta za 2024. godinu, mogli su pročitati jedan amandman koji je u vezi sa sanacijom ili eventualnom izgradnjom novog prostora za potrebe jednog od depoa Historijskog arhiva. Ja sam siguran da se radi o dobronamjernom amandmanu i namjeri, međutim da bismo u bilo koji proces ušli na ozbiljan način, moramo i pripremiti, pripremiti ovaj sam projekat i u tom smislu me zanima i molim da nam se dostavi informacija o imovinskopравnim odnosima kada je u pitanju depo na Vrbanjuši u ulici bivša Ulica Porodice Foht, a današnja Čadođina broj 90, gdje se u stvari nalazi jedan od važnih depoa Historijskog arhiva, znači, kakvi su imovinskopравni odnosi u vezi sa tim, sa tom građevinom? Moramo to saznati da bismo uopće mogli planirati sredstva za njeno rušenje, sanaciju ili bilo šta drugo, a koliko je važna institucija samog Historijskog arhiva, možemo saznati ukoliko pročitamo, vjerujem, dio iz historijata njegovog nastanka. Inicijativa je nastala, pa evo sada ću pročitati. Zemaljska Vlada za Bosnu i Hercegovinu u prvoj provizornoj Uredbi u poslovanju institucija u Bosni i Hercegovini od 1879. godine, a koja je objavljena u Zborniku zakona i naredaba za BiH u Vijecu 1880. godine u članu 17. naložila je da se diplome, ugovori i svi zapisi od važnosti imaju čuvati na sigurnom. Mi i danas, evo, u 2024. godini nismo sigurni gdje se nalazi nečija diploma i ne trebamo sebi dopuštati to, zbog toga je vrlo važno da imamo Historijski arhiv, ne samo radi diploma, nego i čuvanja svih ostalih zapisa i dokumenata koji su važni kako za nauku, tako i za sudstvo i za generalno funkcionisanje našeg sistema”.

Zastupnik Jasmin Šaljić je podnio sljedeće (citiramo): „Imam inicijativu vezano za Zakon o dopunskim pravima boraca. U ovom Zakonu je izostavljena jedna kategorija, a to su porodice umrlih pripadnika Armije Republike Bosne i Hercegovine nakon agresije. Tačnije, izostavljene su udovice pripadnika Armije Republike Bosne i Hercegovine koji su umrli nakon 1996. godine. Pokrećem inicijativu prema Komisiji za boračka pitanja, Ministarstvu za boračka pitanja i Skupštini Kantona Sarajevo da u članu 2. Zakona o dopunskim pravima boraca koji definiše kategorija pod pojmom: porodica šehida i porodica poginulog, umrlog, nestalog branioca, branilac, dobrovoljac i organizator otpora, veteran, učesnik rata, ratni vojni invalid, mirnodopski vojni invalid i iza ovoga dodamo kategoriju porodica umrlog pripadnika Armije Republike Bosne i Hercegovine nakon agresije, odnosno umrlog nakon 1996.godine. Mislim da je ova kategorija neopravdano izostavljena. Svi znamo da udovice su imale veliki značaj u našoj odbrani. Omogućile su muževima da idu na liniju u odbrani grada, one su bile stub porodice, vodile su brigu i o djeci i o svemu ostalom. Inače mi u periodu agresije našu državu bez naših majki, sestara, supruga sigurno ne bismo mogli ništa značajnije da uradimo. Ja bih vas molio da ovaj prijedlog razmotrimo i da izađemo u susret u ovoj kategoriji. A što se tiče korištenja prava, i sada postoji Komisija za boračka pitanja, pa nek rješava vezano po kriterijima koji su o statusu itd. Ima li vremena predsjedavajući još za jednu. . Pokrećem inicijativu prema ekspertnoj grupi Uprave policije u ime stanovnika naselja Aerodromsko naselje. Na raspravi u Budžetu oni su tražili da postojeći radar koji je ispod ispod aerodroma Sarajevo u blizini Hifine pumpe, da se premjesti na ulaz, odnosno skretanje za ulaz u aerodrom Sarajevo i naselje, kako bi se zaštitila djeca koja prelaze cestu putem do škole, stanovnici, a i vozila i ljudi koji ulaze u aerodrom“.

Zastupnik Davor Čičić je podnio sljedeće (citiramo): „Imam jednu kraću inicijativu prema Vladi Kantona Sarajevo, Općini Novo Sarajevo i Vladi Federacije Bosne i Hercegovine, a za urgentno izdvajanje sredstava iz Tekuće rezerve, u ovom slučaju Budžeta Kantona Sarajevo za 2023.godinu za sanaciju oštećenog krova Župne crkve Presvetog Trojstva Novo Sarajevo. U prilog inicijative dostavljam i zvaničnu molbu Župe Presvetog trojstva Novo Sarajevo se detaljnim objašnjenjem lošeg stanja krova crkve usred dotrajalosti dodatno oštećenog u zadnjem velikom nevremenu u Sarajevu, kada je jak vjetar oborio dio crijepe sa krova i prouzročio dodatnu štetu i prokišnjavanje u samu crkvu. S obzirom da postoji velika mogućnost da uslijed većeg snijega od padavina se krov dodatno uruši, čime može izazvati direktnu opasnost za lokalno stanovništvo, a

kako je crkva proglašena i nacionalnim spomenikom kulture BiH, predlažem da Vlada hitno usvoji ovu inicijativu, da se iz sredstava Tekuće rezerve Budžeta Kantona Sarajevo isplati iznos koji Vlada procijeni da je moguće u ovom trenutku za potrebnu hitnu sanaciju. Prema predračunu, otprilike bi saniranje čitavog tog krova košta kod 225000 maraka. Ali evo koliko Vlada može sad trenutno urgentno izdvojiti, bilo bi dobro da se taj krov sanira.”

Zastupnik Muamer Bandić je podnio sljedeće (citiramo): „Imam pitanje za premijera. Vlada Kantona Sarajevo. Pitanje da li je Vlada Kantona Sarajevo u prethodnom periodu donijela odluku kojom se poništava KJP Centar Skenderija kao javno dobro za opću upotrebu. I ukoliko jeste, koji je bio razlog donošenja jedne ovakve odluke? Drugo pitanje, također za premijera, a evo možda i za ministra zdravstva. Prema mojim informacijama, dakle, Upravni odbor Zavoda za zdravstvenog osiguranja broji 9 članova, od njih 9, 5 obavlja tu poziciju sada. Prema informacijama sa kojima ja raspolazem, predsjednik Upravnog odbora je imenovan u neke druge odbore, između ostalog i u Odboru Upravnog vijeća Centralne banke Bosne i Hercegovine, što je prema stavu Tima za korupciju predstavlja sukob interesa. Također, član Upravnog odbora je imenovan, drugi član Upravnog odbora je imenovan u Nadzorni odbor Autocesta Federacije Bosne i Hercegovine. Ukoliko to posmatramo na ovaj način od 5 ukupno, imenovanih je članova Upravnog odbora, dva po stavu, dakle, Ureda za borbu protiv korupciju ne ispunjavaju uslove. Trenutno, dakle, Zavod zdravstvenog osiguranja nema punovažan odbor za odlučivanje, donošenje odluka. Zanima me da li je ministar upoznat sa ovim informacijama i ukoliko jeste, šta namjerava preduzeti po tom pitanju?“

Nakon iscrpljene liste prijavljenih za pitanja i inicijative, dopredsjedavajući Handžić se zahvalio zastupnicama i zastupnicima na postavljenim pitanjima, i pozvao premijera i ministre da ponude odgovore na pitanja za koje je tražen usmeni odgovor.

Svoje odgovore na postavljena pitanja su ponudili: premijer Nihad Uk, ministrica odgoja i obrazovanja Naida Hota-Muminović, ministar komunalne privrede Bojan Bošnjak, ministar zdravstva Enis Hasanović, ministrica za nauku, visoko obrazovanje i mlade Adna Mesihović, i pomoćnik ministricе za socijalnu politiku Nuriya Hodžić.

Nezadovoljstvo ponuđenim odgovorima iskazali su zastupnici Vedrana Vujović, Elza Gaković i Fatima Gavrankapetanović- Smailbegović, dok je zastupnik Damir Marjanović iskazao svoje zadovoljstvo ponuđenim odgovorom ministra zdravstva.

Zatim se prešlo na realizaciju tačke dva.

AD-2.

PRIJEDLOG PROGRAMA RADA SKUPŠTINE KANTONA SARAJEVO ZA 2024. GODINU

Zastupnici su materijal dobili uz poziv za sjednicu.

Predsjedavajući Elvedin Okerić je podnio ukratko uvodna izlaganja s obzirom da je Kolegij predlagatelj Programa rada Skupštine. Također, naglasio je da je prihvaćen amandman koji je dostavio Klub zastupnika Demokratske fronte, te da on postaje sastavni dio ponuđenog Prijedloga.

Nije bilo prijavljenih predstavnika skupštinskih radnih tijela, niti zainteresovanih zastupnika za postavljena pitanja, dok su u diskusiji učestvovali sljedeći zastupnici: Vedrana

Vujović, Marijela Hašimbegović, Damir Marjanović, Samir Avdić, Vibor Handžić i Muamer Bandić.

Pošto su diskusije iscrpljene predsjedavajući izrazio svoje zadovoljstvo što se ovaj materijal razmatra i donosi na vrijeme, krajem tekuće godine za aktivnosti za narednu godinu, te je pozvao zastupnike da se izjasne o Prijedlogu programa rada Skupštine Kantona Sarajevo za 2024. godinu.

Na osnovu rezultata glasanja, predsjedavajući je konstatovao da je Skupština jednoglasno donijela Program rada Skupštine za 2024.godinu s 29 glasova „za“.

Realizacija tačke tri.

AD-3.

PRIJEDLOGA ZAKONA O IZMJENAMA I DOPUNAMA ZAKONA O DOPUNSKIM PRAVIMA BORACA/BRANITELJA BOSNE I HERCEGOVINE-SKRAĆENI POSTUPAK

Ministar za boračka pitanja, Omer Osmanović, povukao je ovu tačku s dnevnog reda obrazlažući kako su neophodne izvjesne dorade u tekstu na prijedlog Koordinacije boračkih udruženja KS i Komisije za boračka pitanja Skupštine Kantona Sarajevo.

Realizacija tačke četiri.

AD-4.

PRIJEDLOG ODLUKE KOJOM SE MINISTARSTVU ZA BORAČKA PITANJA KANTONA SARAJEVO DAJE SAGLASNOST DA MOŽE PRISTUPITI POTPISIVANJU UGOVORA IMOVINSKO-PRAVNE PRIRODE, I TO:

Ugovor o udruživanju sredstava za kupovinu stanova za dodjelu u vlasništvo pripadnicima branilačkih populacija između „Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilisane borce i prognane osobe“ kao Prodavca/investitora i Ministarstva za boračka pitanja Kantona Sarajevo, kao Kupca/udruzioca sredstava, kojim se udružuju sredstva za kupovinu 16 stambenih jedinica, koje će biti izgrađene na području općine Ilijaš, lokacija Centar-Ilijaš, objekat Centar, za dodjelu u vlasništvo pripadnicima branilačkih kategorija, koji na istu imaju pravo shodno važećim propisima

Zastupnici su materijal za ovu tačku dobili uz poziv za sjednicu, te su smatrali da nije potrebno uvodno izlaganje.

Ispred Komisije za boračka pitanja Skupštine KS obratio se dopredsjedavajući iste, zastupnik Jasmin Šaljić, iznijevši pozitivan stav Komisije.

Kako nije bilo prijavljenih zastupnika za pitanja ili diskusiju, predsjedavajući je zamolio da se izjasne o Prijedlogu odluke.

Na osnovu rezultata glasanja, predsjedavajući je konstatovao da je Skupština jednoglasno donijela ovu Odluku s 27 glasova „za“.

Realizacija tačke pet.

AD-5.

PRIJEDLOG BUDŽETA KANTONA SARAJEVO ZA 2024. GODINU

Zastupnici su materijal dobili uz poziv za sjednicu.

U ime Predlagača prisutnima su se obratili premijer Nihad Uk i ministar finansija Afan Kalamujić iznoseći uvodna izlaganja.

U međuvremenu, predsjedavanje sjednicom je nakratko preuzeo dopredsjedavajući Vibor Handžić.

Pitanja za predlagača su imali zastupnici: Jasmin Šaljić, Fatima Gavrankapetanović-Smailbegović, Faruk Selmanović i Vedrana Vujović, nakon čega je data devedesetominutna pauza za ručak.

NASTAVAK NAKON PAUZE

U nastavku nakon pauze predsjedavajući Okerić je prozvao ostale zastupnike koji su se bili prijavili za postavljanje pitanje, kako slijedi: Marijela Hašimbegović, Smiljana Viteškić, Samir Avdić, Elvis Vreto, Mahir Dević i Muamer Bandić.

Predsjedavanje sjednicom je nakratko preuzela dopredsjedavajuća Danijela Kristić koja je pozvala premijera i ministre da ponude odgovore na postavljena pitanja, što su učinili: ministar za boračka pitanja Omer Osmanović, ministar kulture i sporta Kenan Magoda, ministrica za odgoj i obrazovanje Naida Hota-Muminović, premijer Nihad Uk, ministar saobraćaja Adnan Šteta, ministrica za nauku, visoko obrazovanje i mlade Adna Mesihović, ministar zdravstva Enis Hasanović, ministar privrede Zlatko Mijatović, ministrica pravde i uprave Darja Softić-Kadenić, ministar finansija Afan Kalamujić, pomoćnik ministrice za socijalnu politiku Nuriya Hodžić i ministar komunalne privrede Bojan Bošnjak.

Zastupnik Muamer Bandić je poslovničkom intervencijom izrazio svoje nezadovoljstvo jer nije dobio odgovor od ministra Adnana Štete, na što mu je dopredsjedavajuća odgovorila da će isti dobiti u pisanoj formi.

Potom je dopredsjedavajuća Kristić otvorila diskusiju u kojoj su učestvovali sljedeći zastupnici: Jasmin Šaljić, Mahir Dević, Vibor Handžić, Faruk Selmanović, Marijela Hašimbegović, Samir Avdić, Miomirka Melank, Jelena Pekić, Belma Kapo, Fatima Gavrankapetanović-Smailbegović, Smiljana Viteškić, Vedrana Vujović, Mersiha Mehmedagić, Elza Gaković, Samir Avdić, Jasmin Šaljić, Kristina Petrović, Muamer Bandić, Faruk Kapidžić, Elvis Vreto, Vildana Bešlija, Haris Zahiragić, Vedrana Vikić Musić i Sanela Klarić,

U toku ove tačke dnevnog reda predsjedavanje sjednicom naizmjenično su preuzimali dopredsjedavajuća Jelena Pekić, dopredsjedavajući Vibor Handžić i predsjedavajući Elvedin Okerić.

U međusobnom repliciranju tokom diskusija učestvovali su zastupnici: Vibor Handžić i Mahir Dević, Damir Marjanović i Faruk Selmanović i Jelena Pekić, Marijela Hašimbegović i Samir Avdić, Belma Kapo i Marijela Hašimbegović, Davor Čičić i Marijela Hašimbegović, Faruk Selmanović, Haris Zahiragić, Mahir Dević, Muamer Bandić i Belma Kapo, Belma Kapo i Fatima Gavrankapetanović-Smailbegović, Marijela Hašimbegović i Mersiha Mehmedagić, Mersiha

Mehmedagić i Jasmin Šaljić i Muamer Bandić, Marijela Hašimbegović i Samir Avdić, Mersiha Mehmedagić, Elvedin Okerić, Samir Avdić, Jelena Pekić, Mahir Dević i Muamer Bandić, Faruk Kapidžić, Faruk Selmanović, Muamer Bandić, Mahir Dević i Vildana Bešlija, Davor Čičić i Mahir Dević, Marijela Hašimbegović, Faruk Kapidžić, Faruk Selmanović i Miomirka Melank, Haris Zahiragić, Muamer Bandić i Vidana Bešlija, Mahir Dević i Elvedin Okerić.

Poslovničku intervenciju tokom diskusija su tražili zastupnici: Samir Avdić, Muamer Bandić, Vedrana Vujović i Damir Marjanović.

U toku diskusija su bile dvije pauze na zahtjev Kluba SDA i predsjedavajućeg Skupštine.

Kada su bile iscrpljene sve diskusije, predsjedavajući je pozvao na izjašnjavanje po dostavljenim amandmanima.

Zastupnica Marijela Hašimbegović se očitovala u ime Kluba DF i kazala da žele izjašnjavanje po svim amandmanima, osim onim koji su prihvaćeni od strane Vlade KS i integrisani u Prijedlog budžeta.

Klub SDA je ostao pri svom stavu da se izjašnjava po njihovim amandmanima. Dostavljeno je šest amandmana i niti jedan nije dobio potrebnu većinu Skupštine KS.

Klub S BiH je ostao pri svom stavu da se izjašnjava po njihovim amandmanima kojih je ukupno dostavljeno četrnaest i niti jedan nije dobio potrebnu većinu Skupštine KS.

Klub DF je dostavio ukupno četrdeset amandmana, koji nakon izjašnjavanja zastupnika u Skupštini KS nisu prihvaćeni, osim onih koje je Vlada KS već usvojila.

Predsjedavajući je pozvao zastupnice i zastupnike da se izjasne o Prijedlogu Budžeta Kantona Sarajevo za 2024.godinu.

Na osnovu rezultata glasanja, predsjedavajući je konstatovao da je Prijedlog Budžeta Kantona Sarajevo za 2024.godinu podržan većinom glasova, s 21 glas „za“, 9 glasa „protiv“ i 1 glas „suzdržan“.

Realizacija tačke šest.

AD-6.

PRIJEDLOG ZAKONA O IZVRŠENJU BUDŽETA KANTONA SARAJEVO ZA 2024. GODINU

Zastupnici su materijal dobili uz poziv za sjednicu. U ime Predlagača obratio se ministar finansija Afan Kalamujić, kraćim uvodnim izlaganjem.

Na zahtjev Kluba SDA data je polusatna pauza, koju je po povratku obrazložio predsjednik kluba, Mahir Dević, na što su se dodatno javili zastupnici Haris Zahiragić, Muamer Bandić i Elvedin Okerić.

Nije bilo prijavljenih zastupnika za diskusiju po Prijedlogu Zakona o izvršenju Budžeta KS za 2024.godinu, te je predsjedavajući pozvao zastupnike da se izjasne o istom.

Na osnovu rezultata glasanja, predsjedavajući je konstatovao da je Prijedlog Budžeta Kantona Sarajevo za 2024. godinu podržan većinom glasova, s 21 glas „za“, 8 glasa „protiv“ i bez glasova „suzdržan“.

Realizacija tačke sedam.

AD-7.

PRIJEDLOG ZAKONA O REGISTRU FINANCIJSKE OBAVEZA U KANTONU SARAJEVO

Ministar Afan Kalamujić je povukao ovu tačku s dnevnog reda.

Realizacija tačke osam.

AD-8.

PRIJEDLOG ODLUKE O DAVANJU SAGLASNOSTI NA FINANCIJSKI PLAN ZAVODA ZDRAVSTVENOG OSIGURANJA KANTONA SARAJEVO ZA 2024. GODINU I ODLUKU O IZVRŠAVANJU FINANCIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2024. GODINU

Zastupnici su prijedlog navedene Odluke dobili u dopunskom materijalu. Uvodno izlaganje u ime Predlagača podnio je direktor ZZO KS, Muamer Kosovac.

Pitanja za Predlagača imali su zastupnici: Mahir Dević, Faruk Selmanović, Marijela Hašimbegović, Haris Zahiragić, Muamer Bandić, Fatima Gavrankapetanović-Smailbegović, Vedrana Vujović i Smiljana Viteškić, na koja su odgovore odmah ponudili direktor Zavoda Muamer Kosovac i ministar zdravstva Enis Hasanović.

U otvorenoj diskusiji učestvovali su zastupnici: Marijela Hašimbegović, Mahir Dević, Haris Zahiragić, Faruk Selmanović i Muamer Bandić.

Po zaključivanju diskusija, predsjedavajući je pozvao zastupnike da se izjasne o Prijedlogu odluke o davanju saglasnosti na Financijski plan Zavoda zdravstvenog osiguranja Kantona Sarajevo za 2024. godinu i Odluku o izvršavanju finansijskog plana Zavoda zdravstvenog osiguranja Kantona Sarajevo za 2024 godinu.

Na osnovu rezultata glasanja, predsjedavajući je konstatovao da je Prijedlog navedene Odluke podržan većinom glasova, s 26 glasova „za“, 4 glasa „protiv“ i 1 glas „suzdržan“.

Realizacija tačke devet.

AD-9.

PRIJEDLOG ODLUKE O DAVANJU SAGLASNOSTI NA PROGRAM RADA ZAVODA ZA ZDRAVSTVENOG OSIGURANJA KANTONA SARAJEVO ZA 2024 GODINU

Zastupnici su Prijedlog odluke dobili u dopunskom materijalu, smatrali su da nije potrebno uvodno izlaganje Predlagača, nije bilo pitanja, niti diskusije.

Predsjedavajući je pozvao zastupnike da se izjasne o Prijedlogu odluke o davanju saglasnosti na Program rada Zavoda za zdravstvenog osiguranja Kantona Sarajevo za 2024 godinu

Na osnovu rezultata glasanja, predsjedavajući je konstatovao da je Prijedlog navedene Odluke podržan većinom glasova, s 25 glasova „za“, 3 glasa „protiv“ i 2 glasa „suzdržan“.

Realizacija tačke deset.

AD-10.

PRIJEDLOG ODLUKE O DAVANJA SAGLASNOSTI NA PRAVILA JAVNE USTANOVE MEMORIJALNI CENTAR SARAJEVO

Zastupnici su Prijedlog odluke dobili u dopunskom materijalu, smatrali su da nije potrebno uvodno izlaganje Predlagača, nije bilo pitanja, niti diskusije.

Predsjedavajući je pozvao zastupnike da se izjasne o Prijedlogu odluke o davanja saglasnosti na Pravila Javne ustanove Memorijalni centar Sarajevo.

Na osnovu rezultata glasanja, predsjedavajući je konstatovao da je Prijedlog navedene Odluke podržan većinom glasova, s 25 glasova „za“, bez glasova „protiv“ i 2 glasa „suzdržan“.

Realizacija tačke jedanaest.

AD-11.

PRIJEDLOG ODLUKE O PRIHVAĆANJU ZADUŽENJA PO UGOVORU O FINANCIRANJU IZMEĐU BOSNE I HERCEGOVINE I EUROPSKE INVESTICIJSKE BANKE EIB ZA REALIZACIJU PROJEKTA "GRADSKI PRIJEVOZ SARAJEVO DODATNA SREDSTVA"

Zastupnici su materijal dobili uz poziv za sjednicu. Premijer Nihad Uk je podnio uvodna izlaganja.

Pitanja za predstavnike Predlagača imali su zastupnici: Haris Zahiragić, Muamer Bandić, Marijela Hašimbegović, a odgovore im je ponudio ministar saobraćaja Adnan Šteta.

U diskusiji koja je potom uslijedila učestvovali su zastupnici: Faruk Kapidžić, Haris Zahiragić, Marijela Hašimbegović, Mahir Dević i Muamer Bandić.

Zaključivši diskusiju predsjedavajući je pozvao zastupnike da se izjasne o Prijedlogu odluke o prihvaćanju zaduženja po ugovoru o financiranju između Bosne i Hercegovine i Europske investicijske banke EIB za realizaciju projekta "Gradski prijevoz Sarajevo dodatna sredstva".

Na osnovu rezultata glasanja, predsjedavajući je konstatovao da je Prijedlog navedene Odluke podržan većinom glasova, s 20 glasova „za“, 9 glasova „protiv“ i bez glasova „suzdržan“.

Realizacija tačke dvanaest.

AD-12.

PRIJEDLOG ODLUKE O DAVANJU SAGLASNOSTI NA FINANSIJSKI PLAN JAVNE USTANOVE „SLUŽBA ZA ZAPOŠLJAVANJE KANTONA SARAJEVO“ SARAJEVO ZA 2024. GODINU SA ODLUKOM O IZVRŠENJU FINANSIJSKOG PLANA JAVNE

USTANOVE „SLUŽBA ZA ZAPOŠLJAVANJE KANTONA SARAJEVO“ SARAJEVO ZA 2024. GODINU

Zastupnici su materijal za ovu tačku dobili uz poziv za sjednicu, smatrali su da nije potrebno uvodno izlaganje Predlagača, nije bilo pitanja, niti diskusije.

Predsjedavajući je pozvao zastupnike da se izjasne o Prijedlogu Odluke o davanju saglasnosti na Finansijski plan Javne ustanove „Služba za zapošljavanje Kantona Sarajevo“ Sarajevo za 2024. godinu sa Odlukom o izvršenju Finansijskog plana Javne ustanove „Služba za zapošljavanje Kantona Sarajevo“ Sarajevo za 2024. godinu.

Na osnovu rezultata glasanja, predsjedavajući je konstatovao da je Prijedlog navedene Odluke podržan većinom glasova, s 21 glas „za“, bez glasova „protiv“ i 2 glasa „suzdržan“.

Predsjedavajući je potom zaključio rad na sjednici, zahvalio se prisutnima na strpljenju, i najavio da će obavijest o nastavku sjednice dobiti blagovremeno.

Broj: 01-04-52054/23
29/30.12.2023.godine
SARAJEVO

Zapisnik izradila:

Lejla Kadrić

SEKRETAR
SKUPŠTINE KANTONA SARAJEVO

Aida Zeković

PREDSJEDAVAJUĆI
SKUPŠTINE KANTONA SARAJEVO

Elvedin Okerić

ZAPISNIK
O RADU NASTAVKA 13. RADNE SJEDNICE SKUPŠTINE KANTONA SARAJEVO
ODRŽANE 29.01.2024.GODINE SA POČETKOM RADA U 10,00 SATI

Nastavak 13. Radne sjednice Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici je prilikom otvaranja prisustvovalo 27 zastupnika i zastupnica, a u daljnjem toku su se priključili i ostali, kako slijedi:

SDA - STRANKA DEMOKRATSKE AKCIJE

1. Dević Mahir
2. Izetbegović Sebija
3. Kalem Adi
4. Kapidžić Faruk
5. Selmanović Faruk
6. Viteškić Smiljana
7. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Memić Arijana
5. Okerić Elvedin
6. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čengiće Irfan
3. Čičić Davor
4. Kapo Belma
5. Pekić Jelena
6. Petrović Kristina

POLITIČKA ORGANIZACIJA GRAĐANA „NAŠA STRANKA“

1. Bešlija Vildana
2. Handžić Vibor
3. Melank Miomirka

STRANKA ZA BOSNU I HERCEGOVINU

1. Bandić Muamer
2. Šaljić Jasmin

DEMOKRATSKA FRONTA

1. Hašimbegović Marijela
2. Pilav Ilijaz
3. Vujović Vedrana
4. Zuhrić Albin

POLITIČKA ORGANIZACIJA/INICIJATIVA “ZA NOVE GENERACIJE”

1. Marjanović Damir

SAMOSTALNI ZASTUPNICI

1. Gaković Elza
2. Hodžić Admela
3. Lemezani Redžo

Izostanak sa ove sjednice opravdali su zastupnica Fatima Gavrankapetanović-Smailbegović, zastupnik Rusmir Pobrić i zastupnica Sanela Klarić.

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutne u sali, kao i predstavnicima medija koji prate rad sjednice.

Predsjedavajući je podsjetio da se na prethodnom zasjedanju, koje je održano 29. i 30.12.2023. godine, razmatralo prvih dvanaeset tačaka dnevnog reda, tako da je nastavak započet tačkom trinaest dnevnog reda.

AD-13.

PRIJEDLOG ODLUKE O DAVANJU SAGLASNOSTI NA NACRT UGOVORA O ZAKUPU KOJI SE ZAKLJUČUJE IZMEĐU TURISTIČKE ZAJEDNICE KANTONA SARAJEVO I OPĆINE CENTAR SARAJEVO

Zastupnici su materijal dobili uz poziv za sjednicu. Uvodna izlaganja u ime Predlagača je podnijela sekretarka Ministarstva privrede, Elma Perteši Žunić.

Pitanja za predstavnicu Predlagača imali su zastupnici: Mahir Dević, Marijela Hašimbegović, Muamer Bandić i Jasmin Šaljić, na koja su dobili odmah odgovor.

U diskusiji su učestvovali zastupnici: Faruk Kapidžić, Mahir Dević, Marijela Hašimbegović i Muamer Bandić.

Obzirom da su diskusije iscrpljene, predsjedavajući je pozvao zastupnike da se izjasne o Prijedlogu odluke o davanju saglasnosti na Nacrt ugovora o zakupu koji se zaključuje između Turističke zajednice Kantona Sarajevo i Općine Centar Sarajevo.

Na osnovu rezultata glasanja, predsjedavajući je konstatovao da je Prijedlog odluke usvojen većinom glasova, s 19 glasa „za“, 6 glasova „protiv“ i 3 glasa „suzdržan“.

Realizacija tačke četrnaest.

AD-14.

PRIJEDLOG ODLUKE O DAVANJU SAGLASNOSTI NA PROVOĐENJE STATUSNE PROMJENE U OKVIRU UNIVERZITETA U SARAJEVU U SKLADU SA ELABORATOM O OPRAVDANOSTI ODVAJANJA UNIVERZITETA U SARAJEVU – STOMATOLOŠKOG FAKULTETA SA STOMATOLOŠKIM KLINIČKIM CENTROM NA DVIJE ČLANICE: UNIVERZITET U SARAJEVU – STOMATOLOŠKI FAKULTET I UNIVERZITET U SARAJEVU - STOMATOLOŠKI KLINIČKI CENTAR

Zastupnici su materijal za ovu tačku dobili u dopuni. Uvodno izlaganje u ime Predlagača je podnijela Nina Marković, profesor na Stomatološkom fakultetu Univerziteta u Sarajevu.

Pitanja za Predlagača su postavili zastupnici: Marijela Hašimbegović, Vedrana Vujović, Haris Zahiragić i Sebija Izetbegović, na koja im je profesorica Nina Marković odmah odgovorila.

U diskusiji su učestvovali zastupnici: Muamer Bandić, Faruk Kapidžić, Sebija Izetbegović, Marijela Hašimbegović, Mahir Dević i Haris Zahiragić.

Međusobne replike u toku diskusije imali su zastupnici: Mahir Dević, Damir Marjanović, Miomirka Melank, Haris Zahiragić i Muamer Bandić.

Zaključivši diskusiju, predsjedavajući je pozvao zastupnike i zastupnice da se izjasne o Prijedlogu Odluke o davanju saglasnosti na provođenje statusne promjene u okviru Univerziteta u Sarajevu u skladu sa Elaboratom o opravdanosti odvajanja Univerziteta u Sarajevu – Stomatološkog fakulteta sa stomatološkim kliničkim centrom na dvije članice: Univerzitet u Sarajevu – Stomatološki fakultet i Univerzitet u Sarajevu - Stomatološki klinički centar.

Na osnovu rezultata glasanja, predsjedavajući je konstatovao da je Prijedlog odluke usvojen većinom glasova, s 19 glasa „za“, 7 glasova „protiv“ i 2 glasa „suzdržan“.

Realizacija tačke petnaest.

AD-15.

PRIJEDLOG ODLUKE O DAVANJU SAGLASNOSTI NA GODIŠNJI PLAN I PROGRAM RADA JAVNE USTANOVE INSTITUT ZA RAZVOJ PREDUNIVERZITETSKOG OBRAZOVANJA KANTONA SARAJEVO SA FINANCIJSKIM PLANOM ZA 2024. GODINU

Zastupnici su materijal za ovu tačku dobili u dopuni. Uvodna izlaganja podnijela je direktorica Instituta za razvoj preduniverzitetskog obrazovanja KS, Senada Salihović.

Predsjedavanje sjednicom nakratko je preuzeo dopredsjedavajući Vior Handžić koji je otvorio prostor za postavljanje pitanja.

Pitanja za direktoricu su imali zastupnici: Belma Kapo, Vedrana Vujović i Marijela Hašimbegović.

Odgovore na postavljena pitanja zastupnica dale su Mirsada Šahbegović, pomoćnica direktorice Instituta i Senada Salihović, direktorica Instituta.

Pitanja su postavili zastupnici: Vedrana Vujović, Faruk Kapidžić, Marijela Hašimbegović i Mahir Dević.

Međusobne replike tokom diskusije imali su zastupnici: Samir Avdić i Faruk Kapidžić.

Poslovničku intervenciju je imao zastupnik Mahir Dević.

Predsjedavajući Elvedin Okerić je nakon iscrpljenih diskusija pozvao zastupnike da se izjasne o Prijedlogu odluke o davanju saglasnosti na Godišnji plan i programa rada JU Institut za razvoj preduniverzitetskog obrazovanja Kantona Sarajevo sa finansijskim planom za 2024. godinu.

Na osnovu rezultata glasanja, predsjedavajući je konstatovao da je Prijedlog odluke usvojen većinom glasova, s 22 glasa „za“, bez glasova „protiv“ i 3 glasa „suzdržan“.

Obzirom da je zastupnik Mahir Dević tražio pauzu u ime Kluba SDA, predsjedavajući je onda predložio da to bude pauza za ručak u trajanju od 90 minuta, što su zastupnici većinom glasova podržali, s 24 glasa „za“ i 1 glasom „protiv“.

U nastavku nakon pauze krenulo se s realizacijom tačke šesnaest.

AD- 16.

PRIJEDLOG ODLUKE O USVAJANJU "BILANSA ENERGETSKIH POTREBA KANTONA SARAJEVO ZA 2023 GODINU"

Zastupnici su materijal dobili u dopuni dnevnog reda. Uvodno izlaganje u ime Predlagača podnio je pomoćnik ministra privrede, Nurija Memić.

Pitanja za predstavnika Predlagača su postavili: Adi Kalem, Marijela Hašimbegović, Faruk Kapidžić i Jasmin Šaljić, na koja su odmah dobili odgovore.

U otvorenoj diskusiji učestvovali su zastupnici: Faruk Kapidžić i Adi Kalem, dok su međusobno replicirali zastupnici: Miomirka Melank, Marijela Hašimbegović i Faruk Kapidžić.

Zaključivši diskusiju predsjedavajući je pozvao zastupnike da se izjasne o Prijedlogu odluke o usvajanju "Bilansa energetskih potreba Kantona Sarajevo za 2023. godinu".

Na osnovu rezultata glasanja, predsjedavajući je konstatovao da je Prijedlog odluke usvojen većinom glasova, s 20 glasa „za“, 2 glasa „protiv“ i 2 glasa „suzdržan“.

Realizacija tačke sedamnaest.

AD-17.

IZVJEŠTAJ O RADU UNIVERZITETA U SARAJEVU ZA 2022. GODINU SA PROGRAMOM RADA ZA 2023. GODINU (SA IZVJEŠTAJEM O FINANSIJSKOM POSLOVANJU UNIVERZITETA U SARAJEVU ZA 2022. GODINU I IZVJEŠTAJEM O RADU I FINANSIJSKIM IZVJEŠTAJEM ČLANICA UNIVERZITETA U SARAJEVU ZA 2022. GODINU

Zastupnici su Izvještaj dobili u dopunskom materijalu. Uvodne napomene podnio je rektor UNSA, Rifat Škrijelj.

Pitanja za Predlagača su imali zastupnici: Haris Zahiragić, Faruk Kapidžić, Marijela Hašimbegović, Damir Marjanović i Jasmin Šaljić, na koja im je rektor Rifat Škrijelj odmah dao odgovore.

U međuvremenu, dopredsjedavajuća Danijela Kristić je preuzela nakratko predsjedavanje sjednicom.

U diskusiji koja je uslijedila potom, učestvovali su zastupnici: Jasmin Šaljić, Haris Zahiragić, Damir Marjanović i Faruk Kapidžić.

Tokom diskusija međusobno su replicirali zastupnici: Haris Zahiragić i Damir Marjanović i Vedrana Vujović.

Predsjedavajući je zaključio diskusije i pozvao zastupnike da se izjasne o Izvještaju o radu Univerziteta u Sarajevu za 2022.godinu sa Programom rada za 2023 godinu.

Na osnovu rezultata glasanja, predsjedavajući je konstatovao da je navedeni Izvještaj sa Programom rada usvojen većinom glasova, s 20 glasa „za“, 2 glasa „protiv“ i 2 glasa „suzdržan“.

Realizacija tačke osamnaest.

AD-18.

IZVJEŠTAJ O SNABDJEVENOSTI KANTONA SARAJEVO LIJEKOVIMA I SANITETSKIM MATERIJALOM U 2022. GODINI SA OSVRTOM NA IMPLEMENTACIJU LISTE LIJEKOVA KOJI SE PROPISUJU I IZDAJU NA TERET SREDSTAVA OBAVEZNOG ZDRAVSTVENOG OSIGURANJA KROZ FUNKCIONISANJE MREŽE FARMACEUTSKE DJELATNOSTI-APOTEKA, SA PRIJEDLOGOM MJERA I AKTIVNOSTI

Zastupnici su Izvještaj dobili u dopunskom materijalu. Uvodno izlaganje je podnio ministar zdravstva Enis Hasanović.

Pitanja za Predlagača su imali zastupnici: Jasmin Šaljić, Faruk Kapidžić i Marijela Hašimbegović, na koja im je ministar Hasanović odmah ponudio odgovore.

U otvorenoj diskusiji učestvovali su zastupnici: Haris Zahiragić, Belma Kapo i Faruk Kapidžić.

Tokom diskusije međusobno su replicirali zastupnici Haris Zahiragić i Belma Kapo.

Zaključivši diskusiju predsjedavajući je pozvao zastupnike da se izjasne o Izvještaju o snadbjevenosti Kantona Sarajevo lijekovima i sanitetskim materijalom u 2022.godini sa osvrtom na implementaciju Liste lijekova koji se propisuju i izdaju na teret sredstava obaveznog zdravstvenog osiguranja kroz funkcionisanje mreže farmaceutske djelatnosti-apoteka.

Na osnovu rezultata pojedinačnog izjašnjavanja, predsjedavajući je konstatovao da navedeni Izvještaj nije dobio potrebnu većinu glasova (10 glasova „za“, 2 glasa „protiv“ i 12 glasova „suzdržan“).

Realizacija tačke devetnaest.

AD-19.

IZVJEŠTAJ O IMPLEMENTACIJI ODLUKE O PROŠIRENOM OBIMU PRAVA ZA KORIŠTENJE MEDICINSKIH SREDSTAVA I LIJEKOVA ZA RVI SA PODRUČJA KANTONA SARAJEVO ZA 2022. GODINU

Zastupnici su Izvještaj dobili u dopunskom materijalu. Uvodno izlaganje u ime Predlagača podnio je ministar zdravstva Enis Hasanović.

Nije bilo prijavljenih zastupnika za postavljanje pitanja ili diskusiju, te je predsjedavajući pozvao zastupnike da se izjasne o Izvještaju o implementaciji Odluke o proširenom obimu prava za korištenje medicinskih sredstava i lijekova za RVI sa područja Kantona Sarajevo za 2022. godinu.

Na osnovu rezultata glasanja, predsjedavajući je konstatovao da je navedeni Izvještaj usvojen jednoglasno, s 21 glas „za“.

Realizacija tačke dvadeset.

AD-20.

IZVJEŠTAJ O IZVRŠENJU SANKCIJA U KANTONU SARAJEVO ZA 2022. GODINU

Zastupnici su Izvještaj dobili u dopunskom materijalu, te su smatrali da nema potrebe za uvodnim napomenama.

Pitanja za predlagača materijala je imala zastupnica Vedrana Vujović, a odgovor joj je ponudila ministrica pravde i uprave Darja Softić-Kadenić.

Obzirom da nije bilo prijavljenih diskutanata predsjedavajući je pozvao zastupnike da se izjasne o Izvještaju o izvršenju sankcija u Kantonu Sarajevo za 2022. godinu.

Na osnovu rezultata glasanja predsjedavajući je konstatovao da je navedeni Izvještaj usvojen jednoglasno, s 20 glasova „za“.

Realizacija tačke dvadeset i jedan.

AD-21.

INFORMACIJA O FINANSIJSKOM POSLOVANJU JAVNIH USTANOVA IZ OBLASTI PREDŠKOLSKOG, OSNOVNOG I SREDNJEG OBRAZOVANJA ZA 2022. GODINU (ZBIRNO)

Zastupnici su Informaciju dobili u dopunskom materijalu, smatrali su da nisu potrebne uvodne napomene Predlagača, nije bilo prijavljenih zastupnika za postavljanje pitanja ili diskusiju, te je predsjedavajući zaključio raspravu.

Predsjedavajući je konstatovao da je Skupština primila k znanju Informaciju o finansijskom poslovanju javnih ustanova iz oblasti predškolskog, osnovnog i srednjeg obrazovanja za 2022. godinu.

Na kraju je predsjedavajući konstatovao da su iscrpljene sve tačke dnevnog reda 13. Radne sjednice Skupštine Kantona Sarajevo, te je istu zaključio zahvalivši se kolegama na saradnji.

* * *

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.

Broj: 01-04-52054/23
29.01.2024.godine
SARAJEVO

Zapisnik izradila:

Lejla Kadrić

SEKRETAR
SKUPŠTINE KANTONA SARAJEVO

Aida Zeković

PREDSJEDAVAJUĆI
SKUPŠTINE KANTONA SARAJEVO

Elvedin Okerić